



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ՄԱՐՄԱՇԵՆԻ ՀԱՄԱՅՆՔԻ ՂԵԿԱՎԱՐ

Ո Ր Ո Շ ՈՒ Մ ԹԻՎ 181

<<10>> հունիսի 2020 թվական

զյուղ Մայիսյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔՈՒՄ ԱՂԵՏՆԵՐԻ ՌԻՍԿԻ ԿԱՌԱՎԱՐՄԱՆ ԽՈՐՀՐԴԻ ԿԱԶՄԸ, ԱՇԽԱՏԱԿԱՐԳԸ ԵՎ ԳՈՐԾԱՌՈՒՅԹՆԵՐԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐԻ 2020 ԹՎԱԿԱՆԻ ԱՊՐԻԼԻ 22-Ի ԹԻՎ 139 ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության Շիրակի մարզի Մարմաշեն համայնքի բնակչության պաշտպանության համակարգի նորմալ և արդյունավետ գործունեության, աղետների ռիսկի նվազեցման միջոցառումների կազմակերպման և իրականացման, արտակարգ իրավիճակներում գործելու ընթացակարգերի սահմանման, արտակարգ իրավիճակներում համայնքի բնակիչների պաշտպանության կազմակերպման նպատակով, ղեկավարվելով «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 16-րդ հոդվածով, «Տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 12-րդ և 41-րդ հոդվածի 2-րդ մասի 7-րդ կետերով և հիմք ընդունելով ՀՀ արտակարգ իրավիճակների նախարարի 2019 թվականի դեկտեմբերի 30-ի թիվ 1460 հրամանը. որոշում եմ՝

1. Հաստատել.


1) Հայաստանի Հանրապետության Շիրակի մարզի Մարմաշեն համայնքի աղետների ռիսկի կառավարման խորհրդի կազմը՝ համաձայն N 1 հավելվածի.

2) Հայաստանի Հանրապետության Շիրակի մարզի Մարմաշեն համայնքի աղետների ռիսկի կառավարման խորհրդի աշխատակարգը և գործառնությունները՝ համաձայն N 2 հավելվածի:

2.Ուժը կորցրած ճանաչել ՀՀ Շիրակի մարզի Մարմաշեն համայնքի ղեկավարի 2020 թվականի ապրիլի 22-ի «Հայաստանի Հանրապետության Շիրակի մարզի Մարմաշեն համայնքում աղետների ռիսկի կառավարման խորհուրդ ստեղծելու մասին» թիվ 139 որոշումը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ՝



ԿԱՐԵՆ ԱՐՇԱԿՅԱՆ

10.հունիսի.2020 թվական
Գյուղ Մայիսյան



ՀՀ Շիրակի մարզի Մարմաշեն համայնքի ղեկավարի
«01» հունիսի 2020 թ-ի թիվ 181 որոշման

Կ Ա Ջ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՄԱՐՄԱՇԵՆ ՀԱՄԱՅՆՔԻ ԱՂԵՏՆԵՐԻ
ՌԻՍԿԻ ԿԱՌԱՎԱՐՄԱՆ ԽՈՐՀՐԴԻ

Հայաստանի Հանրապետության Շիրակի մարզի Մարմաշեն համայնքի (այսուհետ՝ Համայնք) աղետների ռիսկի կառավարման խորհրդի (այսուհետ՝ Խորհուրդ) կազմը՝

1. Խորհրդի ղեկավար՝ Կարեն Արշակյան /համայնքի ղեկավար/,

2. Խորհրդի ղեկավարի տեղակալ-տարհանման և պատասպարման պատասխանատու՝ Արտաշես Դրմեյան/համայնքի ղեկավարի տեղակալ/,

3. Խորհրդի քարտուղար-ազդարարման և իրազեկման պատասխանատու Արփինե Կարապետյան /աշխատակազմի քարտուղար/,

4. Խորհրդի անդամներ՝

1) Համայնքի ավագանու անդամ Համլետ Գևորգյան

2) Համայնքի ավագանու անդամ Արտյոմ Զաքարյան

3) Համայնքի ավագանու անդամ Սլավիկ Խաչատրյան

4) Բնակավայրի վարչական ղեկավարներ՝

ա. Կապսբնակավայրի վարչական ղեկավար՝ Աշոտ Միքայելյան

բ. Վահրամաբերդ բնակավայրի վարչական ղեկավար՝ Ադվան Մարտիրոսյան

գ. Մարմաշեն բնակավայրի վարչական ղեկավար՝ Համլետ Տիգրանյան

դ. Հովունի բնակավայրի վարչական ղեկավար՝ Լևիկ Խաչատրյան

ե. Քեթի բնակավայրի վարչական ղեկավար՝ Թորգոմ Սահակյան

զ. Փոքրաշեն բնակավայրի վարչական ղեկավար՝ Ռոբերտ Վարդանյան

է. Հացիկ բնակավայրի վարչական ղեկավար՝ Կարեն Պետրոսյան

ը. Շիրակ բնակավայրի վարչական ղեկավար՝ Համլետ Ասատրյան

թ.Ջաջուռ բնակավայրի վարչական ղեկավար՝ Հրաչ Ռաֆայելյան
ժ.Ջաջուռավան բնակավայրի վարչական ղեկավար՝ Աշոտ Գրեյան
ի.Կրաշեն բնակավայրի վարչական ղեկավար՝ Կարեն Մինասյան
լ.Մեծ Սարիար բնակավայրի վարչական ղեկավար՝ Արթուր Սարգսյան
իս.Լեռնուտ բնակավայրի վարչական ղեկավար՝ Սեդրակ Պողոսյան
ծ.Կարմրաքար բնակավայրի վարչական ղեկավար՝ Արթուր Մաթևոսյան
5) ոլորտային պատասխանատուներ՝
ա. հրշեջ-փրկարարական աշխատանքների պատասխանատու՝ Հովիկ Մելքոնյան
բ. հասարակական կարգի պահպանման պատասխանատու՝ Արփինե Կարապետյան
գ. տրանսպորտային ապահովման պատասխանատու՝ Մկրտիչ Գասպարյան
դ. կապի և տեղեկատվական փոխանակման պատասխանատու՝ Անուշավան Ստեփանյան
ե. բժշկական օգնության կազմակերպման պատասխանատու՝ Նարինե Կարապետյան
զ. կենսաապահովման կազմակերպման պատասխանատու՝ Արտաշ Եղիկյան
է. էներգետիկ ապահովման պատասխանատու՝ Արթուր Կարապետյան
ը. ինժեներական միջոցառումների ապահովման պատասխանատու՝ Մամեդ Սալոյան
թ. կոմունալ ապահովման և դիակների ճանաչման, հուղարկավորման կազմակերպման ու
հաշվառման պատասխանատու՝ Սենիկ Մանուկյան
ժ. անհայտ կորածների և ընտանիքի անդամների միավորման, կորած/միայնակ մնացած
երեխաների ու ծերերի հարցերով զբաղվող պատասխանատու՝ Անի Մկրտչյան:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ՝

ԿԱՐԵՆ ԱՐՇԱԿՅԱՆ



ՀՀ Շիրակի մարզի Մարմաշեն համայնքի ղեկավարի
«01» հունիսի 2020 թ-ի թիվ 181 որոշման

ԱՇԽԱՏԱԿԱՐԳ ԵՎ ԳՈՐԾԱՌՈՒՅԹՆԵՐ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐՄԱՇԵՆ ՀԱՄԱՅՆՔԻ ԱՂԵՏՆԵՐԻ ՌԻՍԿԻ
ԿԱՌԱՎԱՐՄԱՆ ԽՈՐՀՐԴԻ

1. Հայաստանի Հանրապետության Շիրակի մարզի Մարմաշեն համայնքի (այսուհետ՝ Համայնք) աղետների ռիսկի կառավարման (այսուհետ՝ ԱՌԿ) խորհրդի աշխատակարգը.

1)Սույն աշխատակարգով սահմանվում են (այսուհետ՝ Աշխատակարգ) Մարմաշեն համայնքի աղետների ռիսկի կառավարման (այսուհետ՝ ԱՌԿ) խորհրդի լիազորությունների և գործառույթների իրականացման ընթացակարգերը:

2)Համայնքի ԱՌԿ խորհրդի նիստերը գումարվում են Մարմաշեն համայնքապետարանում, իսկ դրա անհնարինության դեպքում՝ ԱՌԿ խորհրդի ղեկավարի որոշմամբ:

3)Համայնքի ԱՌԿ խորհրդի նիստի ժամանակ քննարկվում են համայնքի ԱՌԿ պլանի մշակման, ճշգրտման և խորհրդի անդամների կողմից բարձրացված հարցերը կամ համայնքի ԱՌԿ պլանով սահմանված գործողությունների իրականացումը:

4)Համայնքի ԱՌԿ խորհրդի նիստի ժամանակ ԱՌԿ խորհրդի ոլորտային պատասխանատուները ներկայացնում են իրենց վերապահված ոլորտում կատարված աշխատանքները, առաջ եկած խնդիրները և առաջարկվող նոր միջոցառումները: Համայնքի ԱՌԿ պլանի մշակման, ճշգրտման ժամանակ պատասխանատու են իրենց ոլորտին վերաբերվող համայնքի ԱՌԿ պլանի բաժինների համար, ինչպես նաև համայնքի ԱՌԿ պլանի նախապատրաստական և արձագանքման մասերում իրենց կարգավորման ոլորտի միջոցառումների համար:

5)Համայնքի ԱՌԿ խորհրդի նիստերը գումարվում են տարվա ընթացքում առնվազն երկու անգամ, իսկ դրա անհնարինության դեպքում՝ ԱՌԿ խորհրդի ղեկավարի որոշմամբ:

6) Համայնքի ԱՌԿ խորհրդի նիստերն արձանագրվում են քարտուղարի կողմից և ներառվում են համայնքի ԱՌԿ պլանում:

2. ԱՌԿ խորհրդի ԱՌԿ նախապատրաստական գործառույթներն են՝

1) Համայնքի բնակչության, նյութական արժեքների պաշտպանության ապահովումը,

2) Համայնքի վտանգների, խոցելիության և կարողությունների բացահայտումը,

3) ԱՌԿ պլանի մշակումը, իրականացման ապահովումը, վերահսկումը,

4) Աղետների ռիսկի նվազեցման (այսուհետ՝ ԱՌՆ) և աղետներին դիմակայելու կարողությունների զարգացումը,

5) Համայնքում ԱՌՆ միջավայրի և մշակույթի ձևավորումն ու դրանց տարածումը,

6) Աղետներին արձագանքման համակարգի ձևավորումն, այդ նպատակով փրկարարական, հրդեհաշիջման և անհրաժեշտ կենսապահովման միջոցների ձեռք բերման, կուտակման և նպատակային օգտագործման իրականացումը,

7) ԱՌԿ պլանի միջոցառումների ինտեգրման ապահովումը համայնքի զարգացման ծրագրում,

8) Համայնքի վաղ ազդարարման համակարգի ստեղծումն ու վերջինիս պահպանումը,

9) «Դիմակայուն համայնք» ստեղծելու նպատակով ԱՌՆ գործընթացներում ուսումնական հաստատությունների և բնակչության ակտիվ ներգրավվածության ապահովումը,

10) Բնակչության համար արտակարգ իրավիճակներում վարքականոնների և պարտականությունների տարածումը, դրանց կիրառման ապահովումը,

11) Նախապատրաստումը համայնքի բնակչությանը կատարելու փրկարարական և հրդեհաշիջման պարզագույն աշխատանքներ,

12) Հրդեհների կանխարգելման աշխատանքների իրականացումը՝ բնակչության իրազեկման և ուսուցման միջոցով,

13) Վարժանքների կազմակերպումը և անցկացումը

14) Աղետների ռիսկի կառավարման պլանի ճշգրտումը:

3. ԱՌԿ խորհրդի արտակարգ իրավիճակների արձագանքման գործառույթներն են՝

1) համայնքի բնակչության ազդարարման իրականացումը,

2) արտակարգ իրավիճակների ժամանակ տեղեկատվության փոխանակման իրականացումը,

- 3) համայնքի բնակչության տարահանման իրականացումը,
- 4) կազմակերպում է հատուկ կարիքավոր մարդկանց, հղի կանաց և երեխաների անվտանգ տարահանումը/պատասպարումը,
- 5) իր իրավասության շրջանակներում կազմակերպում է որոնման, փրկման և հրդեհաշիջման աշխատանքներ,
- 6) կազմակերպում է բնակչության նյութական և հասարակական արժեքների պահպանությունը, անվտանգության ապահովումը փրկարարական գործողությունների և տարահանման վայրերում,
- 7) դիակապտության, թալանի, բռնության և այլ հանցավոր երևույթների կանխման ապահովումը,
- 8) ճանապարհների մաքրման, կամուրջների վերականգնման և նոր տարանցիկ ճանապարհների հիմնման ապահովումը,
- 9) արտակարգ իրավիճակի հետևանքով առաջացած շինարարական աղբի մաքրման և տեղափոխման ապահովումը,
- 10) առաջին օգնության իրականացման ապահովումը,
- 11) սանիտարահիգիենիկ և համաճարակային վիճակի հսկողության ապահովումը,
- 12) բնակչությանը սննդով, ջրով, դեղորայքով և առաջին անհրաժեշտության պարագաներով ապահովումը,
- 13) ջրային և սննդամթերքի պաշարների կուտակումը և նպատակային օգտագործումը,
- 14) բնակչության կոմունալ-էներգետիկ ապահովումը,
- 15) տուժած տարածքների գազամատակարարման և էներգամատակարարման վերականգնման կազմակերպման, անհրաժեշտության դեպքում առանձին հատվածներում դրանց դադարեցման ապահովումը,
- 16) դիակների հուղարկավորման համար հողհատկացման և հուղարկավորման կազմակերպման ապահովումը,
- 17) կորած, միայնակ մնացած երեխաների հայտնաբերման, գրանցման և համապատասխան սոցիալական ծառայություններ ուղղորդման ապահովումը,
- 18) ընտանիքներին երեխաների վերամիավորման կազմակերպման ապահովումը,

19)աղետից հետո ստեղծված իրավիճակի, շենքերի, շինությունների, կամուրջների, թունելների և այլ առանցքային հանգույցների տեխնիկական վիճակի գնահատման կազմակերպման ապահովումը,

20)վնասի և կարիքների վաղ գնահատումը և հայտերի ներկայացումը մարզային կամ հանրապետական հանձնաժողովին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ

ՄԱՐՄԱՇԵՆ ՀԱՄԱՅՆՔԻ ՂԵԿԱՎԱՐ՝



ԿԱՐԵՆ ԱՐՇԱԿՅԱՆ



10.հունիսի.2020 թվական
Գյուղ Մայիսյան